

SUMMA S. THOMAE
HODIERNIS AC ACADEMIARUM MORSUS ACCURATIM
CURSUS THEOLOGICUS
U. 3

PARS TERTIA
COMPLECTENS TRACTATUS
DE INCARNATIONE A QUEST I AD LIX
De Myſterio Christi & quæst. 27. ad 40. De Sacramentis in corpore
Christi & Baptismo & quæst. 27. ad 32. De Eucharistia &
Fidei Sacramentis & quæst. 23. ad 33. De Sacramento Poenitentiae &
Matrimonii & quæst. 44. ad 49. De Extremo Unctionis Or-
dine & Marimonio & quæst. 4. ad 10. De Sacramentis
Sæculi Religionis & quæst. 186. ad ultimum



TRACTATUS DE INCARNATIONE.

D. Thom. 3. Part. a Quest. 1. ad 9.

PROÆMIUM.

In quo recensentur variae Hæreses circa Incarnationis Myſterium.

Hunc Tractatum S. Thomas in duas partes dividit. Prima est de ipso Incarnationis mysterio, seu de ipsa unione divinitatis & humanitatis, & de his, quæ ad eam consequuntur. Secunda est de his, quæ per ipsum Salvatorem acta sunt; hoc est, de mysteriis vitæ, & mortis eius. Hoc magnum pietatis Sacramentum, juxta Apost. Hoc enigma sacratissimum, juxta Cyrillum Alex. Hanc mirabilem mixturam, juxta Aug. tam verè, atque catholicè, tam intelligibiliter, quantum homini licuit, exposuit S. Doctor, ut tædium huic operi incumberet, ab ipso Christo mererit, his vocibus approbari: *Be-nè scripsisti de me, Thomas.* Duce igitur sancto Doctore, explanationem hujus mysterii, contra quod tot insurrexerunt Hæreses, securi agredimur. Hos varios, ac multiplices errores ipso S. Th. in c. 1. Math. ad tres classes revocat. Prima est errantium, circa divinitatem Christi. Secunda errantium, circa humanitatem. Tertia errantium, circa utriusque naturæ unionem.

pentem illum, qui primos decepit Parentes, Christum esse, de celo venisse, nobisque tullisse scientiam boni & mali.
Ad 2. Classem pertinent Marcionitæ, & Manichei; qui, cum dicerent omnem creaturam corpoream esse à malo Deo, seu diabolo, negabant consequenter, Dei Filium assumpsisse veram carnem, sed tantum phantasticam, & apparentem, & omnia, quæ de ipso narrantur in Evangelio, pertinentia ad humanam naturam, ut natiuitatem, circumcissionem, passionem, mortem, &c. non verè, sed apparenter tantum contigisse. Ita etiam Basilides, circa ann. 124 qui dicebat, Simonem Cyrenæum, loco Christi fuisse crucifixum. Ad hanc etiam classem revocatur error Apollinaris. Is fuit patria Laodiceus, vir doctus, filius alterius Apollinaris eruditissimi Presbyteri, qui pro Ecclesia multos edidit libros contra Porphyrium. Dogma hæreticum, quod senior Apollinaris tentaverat, promovit filius ejus circa ann. 367. sub Damaso Rom. Pontifice, nempe, *Christum corpus sumptisse quidem ex Virgine, sed sine anima.* Postea errorem suum revocans, seu temperans addidit: *Sumpsisse quidem animam, sed quæ mente careret; Verbumque Divinum ei fuisse loco mentis.* Ulterius progressi Apollinaris discipuli dixerunt, humanitatem esse consubstantialiæ divinitati, ideoque hanc esse patibilem, & reverà passam esse cruciatibus, & mortem. Ex S. Athanas. libr. de Incarn. ex S. Epiphani. Hær. 77. Imò, divinam Verbi substantiam in carnem esse conversam. Ex S. Gregor. Nyssen. Opusc. contra Apollinaristas; ex S. Leone ser. 9. de Quadrag. Gennadio libr. de Dogmat. Eccles. c. 2. Tandem Verbum non assumpsisse carnem ex M. Virgine, sed e celo attulisse. Ex Gregor. Nazianz. Orat. 46. & aliis, Damata est hæc hæresis in Concilio Romano sub Damaso, anno 373. in Antiocheno 378. & in 2. Constantinopolitano, anno 381. Ad hanc iterum Classem revocandus est error Valentinii; qui, licet verum corpus Christum habuisse confiteretur, negabat tamen eum assumpsisse illud ex B. Virgine, sed illud de celo allatum transisse per Virginem, quasi per canallem. Hæc iterum revocandus est error Monothelitarum; qui voluntatem humanam in Christo, negantes solam divinam cohabitabant. In hac etiam classe reponendi sunt hodierni Anabaptistæ, qui negant Christum habuisse veram carnem ex Maria virgine assumptam.

Ad 1. Classem pertinent Cerinthus, Ebion, Paulus Samosatenus, Photinus, & alii, qui solam naturam humanam in Christo agnoscent; divinam autem, per solam divinæ gloriæ participationem, quam operibus suis promeruit. Cerinthus, a quo Cerinthiani, Simonis Magi discipulus, Apostolis coætaneus, unus fuit ex his, qui anno circiter 69. descendentes de Judæa dogmatizabant Antiochiæ, Circumcisionem, & Legalia necessario esse observanda. Item unus fuit ex his, qui millenarium Christi regnum, post resurrectionem prædicabant. Docebat insuper, ut refert Aug. lib. de Hæres. c. 8. *Christum purum hominem fuisse.* Refert autem, S. Polycarpus apud S. Irenæum l. 2. adversus Hæreses c. 3. quod, cum Joannes Apostolus hunc Hæresiarcham, ad Balneum accedentem vidisset, recesserit exclamando: *Fugiamus hinc, ne Balneum, in quo Cerinthus veritatis inimicus moratur, subito corrumpens nos opprimat.* Quo dicto, subito collapsa domus Cerinthum cum sociis oppressit. Ebion, sub Tito Imperatore, & Cleto Romano Pontifice, anno circiter 72. Hæresi Cerinthi addebat, *Christum hominem esse, non ex virgine, sed ex viro, & femina natum.* Paulus Samosatenus, a quo Paulianistæ, natione Syrus, Antiochenus Episcopus, vir ante Episcopatum pauper, & mendicus, circa ann. 273. sub Felice I. blasphemabat, *Christum, non semper fuisse, nec ante Mariam virginem existisse, sed ex eo quod ex Maria natus est, initium habuisse, ac proinde non Deum, sed purum hominem esse.* Teste Aug. lib. de Hæres. c. 44. damnata fuit hæc Hæresis cum suo Auctore in duobus Conciliis Antiochiæ habitis: in quorum 1. Paulus suam fidem simulans Patribus illis: in 2. autem, de hæresi convictus, & anathemate percussus, a sua sede ejectus est. Photinus, a quo Photiniani, Sirmiensi Episcopus, acris ingenii, ac multæ eruditionis vir, Pauli Samosateni discipulus, circa ann. 347. sub Julio I. eandem hæresim instauravit, quæ rursùm damnata est in Concilio Mediolanensi eodem anno, & ipse exactoratus in Sirmiensi anno 351. Elipandus Urgelitanus, & Felix Toletanus Hispani dicebant, Christum non esse Dei filium naturalem, sed adoptivum tantum: undè consequens erat ipsum non esse verum Deum. Fuit proscriptus iste error in Concilio Forojuliensi anno 791. Ratisbonensi 792. & Francofordiensi 794. Ad hanc Classis revocari possent *Ophite*, sive Serpentinæ, qui 2. sæculo juxta August. libr. de Hæres. cap. 17. eo dementiæ venerant, ut assererent, ser-

pentem illum, qui primos decepit Parentes, Christum esse, de celo venisse, nobisque tullisse scientiam boni & mali.
Ad 2. Classem pertinent Marcionitæ, & Manichei; qui, cum dicerent omnem creaturam corpoream esse à malo Deo, seu diabolo, negabant consequenter, Dei Filium assumpsisse veram carnem, sed tantum phantasticam, & apparentem, & omnia, quæ de ipso narrantur in Evangelio, pertinentia ad humanam naturam, ut natiuitatem, circumcissionem, passionem, mortem, &c. non verè, sed apparenter tantum contigisse. Ita etiam Basilides, circa ann. 124 qui dicebat, Simonem Cyrenæum, loco Christi fuisse crucifixum. Ad hanc etiam classem revocatur error Apollinaris. Is fuit patria Laodiceus, vir doctus, filius alterius Apollinaris eruditissimi Presbyteri, qui pro Ecclesia multos edidit libros contra Porphyrium. Dogma hæreticum, quod senior Apollinaris tentaverat, promovit filius ejus circa ann. 367. sub Damaso Rom. Pontifice, nempe, *Christum corpus sumptisse quidem ex Virgine, sed sine anima.* Postea errorem suum revocans, seu temperans addidit: *Sumpsisse quidem animam, sed quæ mente careret; Verbumque Divinum ei fuisse loco mentis.* Ulterius progressi Apollinaris discipuli dixerunt, humanitatem esse consubstantialiæ divinitati, ideoque hanc esse patibilem, & reverà passam esse cruciatibus, & mortem. Ex S. Athanas. libr. de Incarn. ex S. Epiphani. Hær. 77. Imò, divinam Verbi substantiam in carnem esse conversam. Ex S. Gregor. Nyssen. Opusc. contra Apollinaristas; ex S. Leone ser. 9. de Quadrag. Gennadio libr. de Dogmat. Eccles. c. 2. Tandem Verbum non assumpsisse carnem ex M. Virgine, sed e celo attulisse. Ex Gregor. Nazianz. Orat. 46. & aliis, Damata est hæc hæresis in Concilio Romano sub Damaso, anno 373. in Antiocheno 378. & in 2. Constantinopolitano, anno 381. Ad hanc iterum Classem revocandus est error Valentinii; qui, licet verum corpus Christum habuisse confiteretur, negabat tamen eum assumpsisse illud ex B. Virgine, sed illud de celo allatum transisse per Virginem, quasi per canallem. Hæc iterum revocandus est error Monothelitarum; qui voluntatem humanam in Christo, negantes solam divinam cohabitabant. In hac etiam classe reponendi sunt hodierni Anabaptistæ, qui negant Christum habuisse veram carnem ex Maria virgine assumptam.

Ad 3. Classem pertinet error Nestorii Patriarchæ Constantinopolitani, qui circa ann. 427. sub Theodosio juniore, & Coelestino I. dogmatizavit, *duas in Christo esse personas: duas esse Christos, unum filium Dei, alterum filium hominis: ac proinde B. Mariam Virginem, non Dei, sed hominis matrem esse; neque esse nominandam Theotochan, sed Christotochan.* Hæc Hæresis a Cyrillo Alex. profligata, damnata fuit cum suo Auctore in Concilio œcumenico Ephesino. Ad eandem Classem pertinet error Eutychetis; qui circa ann. 441. ut unitatem personæ contra Nestorium propugnaret, in oppositam hæresim incidit, *negando duas in Christo naturas, & asserendo carnem in ipso Incarnationis articulo in divinitatem fuisse commutatam, & ex utraque natura divinam, & humanam unam coaluisse substantiam; sicque Christum, ut Deum fuisse passum.* Hic error fuit damnatus sub Leonel. in Concil. Œcumenico Calcedonensi. Ab hoc errore non multum abluant Lutherani; qui dicunt attributa divinitatis communicari carni Christi, consequenter corpus Christi, non secus ac divinitatem, esse ubique: undè dicti Ubiquistæ. De his Hæresibus saltè præcipuis latius infra.

DISSERTATIO I.

DE POSSIBILITATE, ET COGNOSCIBILITATE INCARNATIONIS.

Incarnatio idem significat, ac inhumatio: estque unio seu unio nature humane cum divina in una Verbi persona. Undè Verbum incarnari est hominem fieri, juxta, illud Joannis. 1. *Theol. Billuart. Pars Tertia.*

VERBUM CARO FACTUM EST. Quamvis autem natura humani constet carne, & anima, a carne tamen potius quàm ab anima hoc Myſterium nomen accepit. 1. Quia nomine carnis
A
10-

